

Leswi SARS yi nga cincisa swona vuviki bya xiyimo xa vulangzelelanawu bya xibalo eku hundziseni ka timali ematikweni mambe

Tshwane, 3 Mudyaxihi 2023 - Vukorhokeri bya Xibalo bya Afrika-Dzonga (SARS) byi tsakela ku nyika engetelo wa leswintshwa mayelana na mhaka ya Xiyimo xa Mbhasiso wa Xibalo. Tanihileswi xintshuxo xa Xiyimo xa Mbhasiso wa Xibalo (TCS) xa nkarhi lowu nga hundza xi nga tirha ku sukela hi Dzivamisoko 2016 no phurosese tinhlayo to hlaya no tiya ta vahakelaxibalo lava kombelaka swikombelo swa ntiyisiso wa vandla ra vunharhu, ku katsa na Xengetelo wa Vuvekisi bya Matiko mambe na Ndzhurho, ku vi le na xilaveko xo ndlandlamuxo eka sisiteme ku yi lulamisa no yi hatlisisa. Ku engetelela, ku landzela xitiviso xa heriso wa ndzhurho tanihi nongoti wo lawula cincano hi 2020, Bangikulu ya Afrika-Dzonga (SARB) yi susile xilaveko xo endla xikombelo xo rhurha hi swa timali (xikombelo xa MP336). Leswi swi fanerisile micinco eka tiphurosese na tifomo ta SARS.

Sisiteme leyi ndlandlamuxiweke ya TCS yi tivisiwile hi ti 24 Dzivamisoko 2023 ku landzela mimbhurisano na vaxavisi lava pfumeleriweke na SARB. Yi seketela swikongomelo swa kungu swa SARS ku endla swi olova eka vahakelaxibalo ku landzelela. Yi tlhela yi tumbuluxa mitiyisiso ya TCS eka Mfumo, sekithara ya phurayivhete, na ndhawu ya muhakelaxibalo yena n'wini, ku nga va hi ntsakelo kumbe hi nawu. Hiletlhelo eka vahakelaxibalo lava landzelelaka leswi swi endla swi olova, swi ta nonoha eka vahakelaxibalo lava nga landzeliki hi vomu. Sisiteme leyi ndlandlamuxiweke ya TCS yi tlhela yi kongomisa eku antswiseni swinene mikarhi yo hetisisa eka vahakelaxibalo na vaxavisi lava landzelelaka.

Vuxokoxoko byo engetelela lebyi komberiweke eka Mpasiso wa Xitirho xa Hundziso wa Misava (AIT), byi pfumelela SARS ku tiyisisa leswaku xibalo hinkwaxo lexi faneleke ku hakeriwa xi hlamuleriwile na, loko swi fanerile byi ololoxa nkavulangzelelanawu wun'wana na wun'wana lowu vhumbunuriweke hi ku tirhisa ntiyisiso na/kumbe oditi. Leswi swi vumba xiphemu xa rendzo ra SARS ro endla ximodeni leri longoloxiweke na xikongomelo xa kungu ra hina xa vulangzelelanawu bya ntsakelo.

A ku laveki TCS eka mihundziso ya lembe yo fikela eka R1 million. SARS yi na mbono wa leswaku vahakelaxibalo lava endlaka xikombelo xo tlula xengetelo wun'we wo

tihlawulela wa lembe wa R1 million, i vahakelaxibalo vo hlawuleka lava faneleke ku va na tirhekhodo ta nxavo tinhundzukululu leti va nga na tona. Leswi swi katsa tinhundzunkamfambiso ta laha kaya na le matikweni mambe, vuvekisi lebyi longoloxiweke/nga longoloxiwangiki, tinhundzu ta khiripito na khexe ebangi ku vula switsongo. Loko muhakelaxibalo a nga ri na muxaka wo karhi wa nhundzu, lowu faneleke ku ngenisiwa tanihi ziro eka xiphemu xa nhundzu na xikweleti eka fomo yo endla xikombelo.

SARS yi humesile xiletelo xo koxometiwa xa le handle eka micinco leyi nga fikeleriwaka eka webusayiti ya le handle ya SARS hi ku tirhisa linki leyi landzelaka <https://www.sars.gov.za/gen-elec-08-g01-guide-to-the-tax-compliance-status-functionality-on-efiling-external-guide/>.

SARS yi tlehele yi humesa xiletelo lexi engeteriweke leswintshwa tanihi le ka swilaveko swa dokhumentari ya swikombelo swa AIT eka vahakelaxibalo vona vini leyi nga fikeleriwaka hi ku tirhisa linki leyi landzelaka <https://www.sars.gov.za/individuals/manage-your-tax-compliance-status/supporting-documents-for-obtaining-approval-international-transfers/>.

Ku kuma vuxokoxoko ku ya mahlweni, u komberiwa ku tihlanganisa na SARSMedia@sars.gov.za.

MAKUMU